

祝詞

林 茂 生

111

留學國內學友會告成、集于江山樓舉式發會、余蒙招待、以有先約、未獲親陪末席、殊深抱憾、因綴此數語、以代祝詞。

回憶三十年前、梁任公先生在此江山樓與我臺士人、酬詠梁氏詩中有句曰、「樽前相見難啼笑、華表歸來有是非」。可見當時祖國名士與我臺遺民樽前相見、欲啼不能、欲笑不得、何等感慨、何等不自由。而今日則不然、地猶是也、樓猶是也、而臨席之黃願問黃參謀張上校、可以直接向我等被救還之六百萬遺民傳達祖國蔣主席以次同胞父老之雅懷。而我等亦可以表示思慕祖國之至誠。欲啼則啼、欲笑則笑、無所顧忌、無所拘束。此等幸福與歡喜實吾人所夢想不到者。撫今追昔、能不慨然、任公有知當亦含笑於地下歟！

雖然此種光復之幸福與歡喜、何由而得乎？郭沫若先生所謂「四萬萬人皆踏厲、一心一德、一戎衣所造成之幸福也。八年鐵血之洗禮、一千萬人之犧牲、所購求之歡喜也」凡我島內同胞雖懦夫亦可不立志歟！

余謂凡我同胞當此光復共慶之秋、當有三種大發見、其一則發見我是人。是自然之人。從來處於帝國主義之桎梏下、我不是人、不是自然之人。有人人格、人格是目的、而我輩對於帝國主義之國家、是一手段而已、非目的也。是一機械而已、無人格也。彼待我以機械、以手段、故我之人格、為生存起見、不得不分裂、分裂便不是自然人、欲啼不能、欲笑不得、此也不能講老實話亦此也。人有過去現在未來、而彼強我以忘却過去拋却父祖一切固有文化。言語也、習慣也、文字也、信教也、

彼皆強我拋棄之、甚而至、母子不能通言語、父子不能通音信、祖宗之牌位亦不能立于正廳之中。父祖之籍貫姓氏亦不得繼承、舉一切過去而拋却之、既無過去何有現在。何有于自然人。今我不然、於光復聲中、舉凡過去所喪失之文化、同時璧返而復我自然人、此吾輩所宜手舞足蹈而感謝之一

其二、即發見社會、人為社會動物、五十年來、我輩無社會所有者、是對立之社會、分裂之社會、兩民族利害相反之社會、無社會正義之社會、強權第一之社會。今也、一民族、一語言、一歷史、利害共通同胞相助、此種社會方是真社會、而於光復聲中、復到吾輩對於此種發見、不可無認識與感謝。

第三、即發見國家、從來之所謂國家者、偽國家也、明知其偽、而不得不承認之、此島內同胞五十年來之忍所不可忍者、間或有竭慮殫精、苦心孤詣、而欲承認為真者、無如今日肯定、明日即有否定之事實、發生心搖如懸旌、不知如何以行定止、今也復到我父祖五千年來之國家、復到存明抗清之鄭成功之國家與四萬々同胞、同心同德、同一歷史、同一法制、同一語言、同一傳統之真國家、此亦吾人自茲以往、不得不鞠躬盡瘁、努力服務之真國家也。

留學國內學友會諸君、諸君已率先吸收祖國之空氣、親炙祖國之風土文物、當此同胞再教育之際、余甚望最親愛諸君、奮起直呼、為民先鋒、以肩負先知先覺之責、則本島同胞之祖國精神化問題、不久當見解決、爰述所懷以為祝。